

Search Results

facebook.com/profile/100001723536177/search

Haleem Kawa

...
اعتقلوا أبو مريم .. رحنا نعمل إعتصام مشان نطالعوا لأنو ماعليه شي .. وصلنا لإدام المحكمة .. كنا شي 35 شب من خيرة شباب حلب كلن إما أطباء أو إغاةة أو إعلاميين .. الشارع أوتوستراد عريض فاضي ومافي أي ضو .. قعدنا بنص الشارع .. شعلنا 😊 شموع وصرنا نهتف هتافات وأغاني ثورية ولحرية أبو مريم .. ومعنا 3 لافتات "الأولى" إعتصام مفتوح حتى إطلاق سراح الناشط أبو مريم

"الثانية" الثوار الحقيقيون لا يقعون في السجون

"الثالثة" ما هكذا يكافئ الثوار

اجا واحد من الحرس تبع الهيئة الشرعية أو المحكمة وشارك معنا بالإعتصام .. فجأة هجموا علينا من جوا بدن يعتقلوا اللي عم يصوروا .. الحلو بالموضوع انو نص المعتصمين تقريباً كانوا عم يصوروا 😊 أنا خبيبت كاميرتي بالعبطة واعتقلوا المصور زيد وأخذوا أكثر من كاميرا وموبايل صادر وهن واشتغل ضرب الرصاص بالهوا ووصلت صوتنا وعايطنا للمريخ 😊 جوا (بالفرع) فتنشوا زيد ومالاقوا معو شي لا كرت ذاكرة ولا غيره .. وبعد شي تلت ترباع ساعة طالعوه وطلعنا ع السوزوكي وأحلى مظاهرة لعيون أبو مريم وعدنا إلى بستان القصر مسرورين .. وان شاء الله بكر ارح يتم إطلاق سراح أبو مريم لأنو القاضي 😊 ماكان موجود المسا .. وبلعن روحك يا حافظ

بزماناتو أيام السلمية عملنا أكثر من إعتصام أمام فروعة الأمن والمخافر وأكثر شي كانت تصير الإعتصامات أمام الأمن الجنائي .. أغلب الإعتصامات كانت تستمر أكثر من ساعة وتنتهي بالتفاوض مع النظام وإطلاق سراح المعتقلين .. مرة كمان عملنا إعتصام عند مشفى الحياة وبنص حلب لمنع الأمن من دخول المشفى وأخذ المصابين وفعلاً صار اللي بدنا وفضينا الإعتصام بعد التفاوض مع النظام والحفاظ على سلامة المصابين بالمظاهرات .. بس يا حيف هلا صار عنا ناس أخرى من النظام .. بس كمان !!! مو سائلين .. وعلى قولة أبو مريم .. بشار الأسد ما كنا نخاف منو .. بقا من مين بدنا نخاف ؟